

تقدیرده برشی قازانه مایه جق، چونکه بوتون شان وشرف جد محترمنه عائد اولوب کندیس یابانچی موقعنده قاله جق. اصالتی اثبات ایدمه مدیکی صورتده ایسه، فضله اوله رق برده یالانچلیق رذیله سنی یوکلنه جک. «اکابر امتدن مولانا شاه نقشبندره: «سلسله نسبک زردیه واریر.» دیمشله. «سلسله نسبیله کیمسه بریره وارده ماز!» جوابی آلمشله.

محمد عاکف

فَقْرٌ وَفَتْاوی

فقه و عبارات اسلامیه تاریخچه:

حج

۸

بعض احادیث شریفه دن برائة سورة جلیله سنک حضرت ابوبکر یوله چیقمه دن نازل اولوب بوجهتک تبلیغی دخی آکا حواله ایدیش اولدینی، یوم نحر کونی مناده حضرت علیدن ماعدا ابوهریره ورفقاسنک حضرت صدیقک امریله وظیفه تبلیغیه نک ایفاسی جهته اشتراک ایتیش اولدقلى آکلاشیلیور. فقط بخارینک حضرت ابوهریره دن نقلاً روایت ایتدیکی مختلف حدیثله، کتب سیر وتواریخه، تفسیرله باقیلیرسه برائة سورة جلیله سی نازل اولمه دن علیه الصلوة والسلام اقدمزجه بوندن بویه مشرکک حج ایتمه ملری، عریانک کعبه یی طوافلرینه مساعده ایدیله سی جهتی تقرر ایدره کتبایغ ایتک اوزره صدیق رضی الله عنه تودیع وآنک ده آنجق شو جهتلردن تبلیغی ابوهریره وسائر بعض صحابه لره حواله ایتیش اولدینی آکلاشیلیور. بوحاله کوره برائة سورة جلیله سی حجاج کرام یوله چیقدقدن صوکره نازل اولمش، بناء علیه حضرت علی سورة جلیله نک ابتداسندن قرق قدر آیتک تلاوتیله حاوی اولدینی احکامک تبلیغیه صوکرادن مأمور ایدلمش اولدینی ذهنه تبادر ایدره. هله بخارینک حمید بن عبدالرحمنه مستند اوله رق مختلف طریقلرایله حضرت ابوهریره دن روایت ایتدیکی بوجه آتی حدیث شریفه باقیله جق اولورسه بوجهت حقنده غلبه ظن تأمین ایدمه بیله جک نکات لطیفه یه تصادف اولنور:

[- ان ابا هريرة - قال: «بعتني ابوبكر في تلك الحجة في مؤذنين بعثهم يوم النحر يؤذنون بني ان لا يحج بعد العام مشرك ولا يطوف بالبيت عريان» - قال حميد بن عبدالرحمن: ثم اردف رسول الله صلى الله عليه وسلم بعلي بن ابي طالب وامره ان يؤذن ببرائة؛ قال ابوهريرة: - فاذن معنا على يوم النحر في اهل منى ببرائة وان لا يحج بعد العام مشرك ولا يطوف بالبيت عريان»]

ایشته بو حدیث شریفده ابوهریره رضی الله عنه کندیسنک شو حج اثناسنده نحر کونی مناده حضرت ابوبکرک بعث واتخاب ایتسیله:

«لا يحج بعد العام مشرك»، «ولا يطوف بالبيت عريان» ديه ندا ایدن منادیلر جمله سندن بولندیغنی. حضرت علینک ده کندیلریله برابر بولنوب، فقط آنک اهل منایه قارشى هم برائة سورة جلیله سنی تلاوت هم ده باشقه مؤذنلرک ندا ایتدیکی ایکی ماده یی ده اعلان ایدلیکنی حکایه بویوریور.

بوحدیث شریفک راویسی بولنان حمید بن عبدالرحمن حضرتلری دخی حدیثی یاریسندده کسه رک حضرت ابوهریره نک «فاذن معنا علی ...» ديه سویله جکی سوزینه بر نوع مقدمه وتمهید اولمق اوزره کندى طرفندن: «ثم اردف رسول الله ...» ديه رک حضرت علینک با امر رسالتیله برائة سورة جلیله سنی تلاوت ایتک اوزره آرقه دن کوندرلمش اولدیغنی درمیان ایدیور. ایشته شو حدیث شریفک هیئت مجموعه سنه دقت ایدیله جک اولورسه منطق ومفهومندن بوجه آتی معلومات الله ایدیلیر:

(۱) بو حج اثناسنده وظیفه اعلام واعلانک ایفاسنه علی وابوهریره رضی الله عنهما دن باشقه دیگر ذوات ده اشتراک ایتیش، بناء علیه بونلر بر هیئت اولمشلردر.

(۲) بو هیئت - حضرت علی مستثنی اولمق اوزره - حضرت صدیق طرفندن انتخاب وبعث اولمشلردر.

(۳) بو هیئت نحر کونی مناده اهلایه قارشى «لا يحج بعد العام مشرك»، «ولا يطوف بالبيت عريان» ديه ندا ایتمشلردر.

(۴) بو هیئت برائة سورة جلیله سنی تلاوت ایله مأمور اولماشلردر.

(۵) حضرت علی ده بو هیئت ایله برابر بولمشدر.

(۶) حضرت علی مدینه دن حجاج ایله برابر چیقمش دکل، آرقه لرندن کمشدر.

(۷) حضرت علی، بو وظیفه یی حضرت صدیقک انتخابیله دکل، بلکه رسالتک اقدمزک تنسیب وامریله ایفا ایتمشدر.

(۸) حضرت علی بو هیئت کی آنجق او ایکی ماده نک اعلانی ایله دکل، بلکه زیاده اوله رق برائة سورة جلیله سنک تلاوتی - وحاوی اولدینی احکامک تبلیغی - ایله موظف اولمشدر.

(۹) برائة سورة جلیله سی حجاج مسلمین یوله چیقدقدن صوکره نازل اولمشدر.

بو حوالده نتیجه اوله رق حضرت رسالتجه وحی غیرمتلو ایله بعدما مشرکک حج ایتمه ملری، عریانک کعبه یی طواف ایتمه لرینه مساعده ایدیله سی جهتی سورة برائة نازل اولمه دن، قافله حجاج حرکت ایتمه دن تقرر ایدره ک بونک اعلان وتعمیمی ده حضرت صدیقه تودیع اولمش؛ آنلرک حرکتی متعاقب سورده نازل اوله رق ومقررات سابقه یی تأیید ایتدکدن ماعدا برده عهدده دائر احکامی حاوی اولدیغندن هر حالده عمومه قارشى تلاوت واحکامک اعلانی اقتضا ایتمکله ایشته اولکیلر ایله برابر بوجهتک ایفاسی ایچونده حضرت علی مأمور ایدیلشدر، دینیه بیلیر.